



KYRKJEBLAD

FOR VAKSDAL PRESTEGJELD

Nr. 4

Juni 1976

30. årg.

DØM IKKJE

«Sjå kor dei kristne elsker kvarandre». — Dette vart sagt — av heidningar, som kan henda ingen ting visste om Jesus, eller kjende svært lite til kva som var hendt i Jerusalem «i desse siste dagar». —

Men der var mellom dei ein del folk som vart kalla kristne, fordi dei trudde på ein dei kalla Kristus. Dei diskuterte vel ikkje so mykje med desse, men dei såg dei i deira kvardagsliv og i deira arbeid. Og so hadde dei merka seg noko som var særmerkt hjå desse som kalla seg kristne. Og det dei såg fekk uttrykk i orda: «Sjå kor dei kristne elsker kvarandre.» La oss merka oss: Dei sa ikkje: Her er visst ein ny religion som lærer at menneska skal elska kvarandre. Det ville nok ikkje mange lagt merke til, for det er andre som ogso lærer det, men desse kristne praktiserte det, det var den store forskjell.

Det ligg mykje attom ein slik attest. Korleis var det mellom dei truande i dei dagar? Kritiserte dei kvarandre? Nei, det stemmer ikkje med den innbyrdes kjærleik. Dømde dei kvarandre? Nei, det er ogso uforenleg med kjærleiken. Var dei sjølv gode? Nei, langt ifrå, då hadde dei aldeles ikkje fått ein slik attest. Kva gjorde dei då?

Dei hjelpte kvarandre. Var det nokon som leid vondt, og det var det nok — «dei fatige har de alltid i mellom dykk». Men då hjelpte dei desse.

«Døm ikkje», sa Jesus. Denne Jesu formaning har adresse til mange idag, for idag er det mange som har det travelt med å døma andre. Har dei grunn for å seie dette, so viser det ein mykje alvorleg ting om heile vår stoda idag. Ikkje berre for dei som vert kalla kristne, men for alle som lever idag. Det viser nemleg dette at «kjærleiken held på å bli kald hjå dei fleste». Og det er eit av tidarteikna for at Jesus snart kjem att for å henta sine.

«Lat oss då, medan me hev høve til det, gjera det gode mot alle, men mest mot dei som høyrer trui til» Gal. 6:10.

Lars Bjørsvik

Orgelvigslø

Vigslø av nytt orgel hender ikkje ofte, men denne vakre våren er to nye orgel blitt vigsla i Vaksdal prestegjeld.

Nytt orgel i Nesheim kyrkje vart vigsla under konfirmasjonsgudstene- sta der den 23. mai.

Orgelen er levert av A/S Henrik Eide, Bergen. Det er eit Ahlborn (Sonata 311) med tonekabinett. Det var ein vakker vårdag med fullsett kyrkje orgelet vart teke ibruk i Nesheim kyrkje for første gong. Mjuke og reine var tonane organisten Asbjørn Nese lokka fram frå orgelet. Orgelet vart vigsla av soknepresten. Kyrkjelyden gav uttrykk for glede og takksemnd for det nye orgelet.

I Bergsdalen vart nytt orgel vigsla ved kveldsgudsteneste og konsert i Bergsdalen kyrkje 26. mai.

Orgelet er utarbeidd av Vestlandske Orgelverkstad A/S, Hareide. Dette er eit pipeorgel 478 piper, og 6 stemmer. Orgelbyggjar Eduard Moser sette det opp. Orgelet vart vigsla av soknepresten. Han understreka at song og musikk i kyrkje, ikkje har sitt mål i seg sjølv, men er med og lyfter sjel og sinn opp mot Gud i Andens verden. Organist Kjell Svanæs, Kyrkjekoret frå Dale og Säävs kvartett gav oss alle mykje gjennom vakker song og musikk.

Soknerådsformann Anders Fosse gav kort utgreiing om arbeidet med å få nytt orgel, og retta varm takk til kommunen for utvist stor velvilje, og til organist Svanæs for hans ihuga arbeid for å få nytt orgel. Frå kommunen møtte kontorsjef Otto Vågen. Han bar fram ei helsing til kyrkjelyden, og ynskte at orgelet måtte bli til glede og signing for kyrkjelyden.

Etter samveret i kyrkje, innbaud soknerådet til kyrkjekaffe i kyrkjelyden. Den varme ljose vorkvelden sette ei vakker rama om alt.

Blomefond

Stundom kan spørsmålet om blomar til ei gravferd bli eit problem. Det kan koma slik eit veld av blomar til sume bærer, og lite til andre. Å senda kransar til bære, eller blomar til heimen, kan vera ei viss utløyising for slekt og vener som ynskjer å visa den avlidne den siste takk og æra. Men det kan bli slik veld av blomar at det er vanskeleg. Derfor ser ein og ofte i annonser at «den avlidne ynskjer ikkje blomar», eller «send ikkje blomar til heimen.» Dette kan og kjennast vondt. «Eg ville so gjerne ha sendt ein blom til bære, men det er ikkje høve til det.»

Ein måte til å koma unna bære desse vanskane er at ein kan gje ei gæve til eit blomefond i kyrkje. Pengane vert då nytta til å setje friske blomar på altaret når det er gudsteneste i kyrkje. Dei friske blomane vil då på ein måte minna om dei som var, men ikkje lenger er mellom oss.

Om nokon ynskjer det, kan vi gjerne ha eit blomefond ved kyrkje.

KYRKJEBLAD FOR VAKSDAL PRESTEGJELD

Bladstyrar: Lars Bjørsvik, 5280 Dalekvam
Nedarbeidarar: Magne O. Steinnes, Johanne B. Helle og Magne Hesjedal.
Kasserar Ragnar Trohjel, 5297 Gammersvik.
Postgiro nr. 7 23 47. Bankgiro nr. 103385/123.
Utgjevar: Sokneråda i Vaksdal.
Bladpengar kr. 10,— for året.

Ekspd: Skaars Boktrykkeri,
5601 Norheimsund — tfn. 8.

Korleis snakke med borna om Gud ?

Det dukkar stadig opp historiar om underlege forestellingar born kan ha om Gud: gamal bestefar, stor mann osv. Kan ikkje eit barn oppfatte kven Gud er? Så mørkt er heldigvis ikkje biletet, hevdar Åsmund Dale:

Vi vaksne er av og til urolege for kva forestellingar born kan ha av Gud. Enn om vi snudde saka om, spurde kva slags bilete vi vaksne har av Gud? Saka er jo at ingen av oss kan forestella oss Gud heilt ut, for Gud er so mykje større enn alle våre forestellingar, elles ville han ikkje vera Gud.

Korleis gi borna eit rett bilete av kven Gud er? Det første eg har lyst til å leggje vekt på, er at vi treng ikkje vere så urolege for borna sine tankar om korleis Gud ser ut. Den saka vil regulere seg av seg sjølv om vi berre gjer noko anna og betre for dei. Eg tenkjer då på at vi viser dei kva slags vesen og eigenskapar Gud har. Gradvis byggjer vi opp eit langt rettare bilete ved å be til Gud, vise han tillit, gi uttrykk for at vi reknar med han sa-

me kva me kjem opp i. Biletet vert utvida når vi fortel korleis han kan vere her og alle stader, korleis han hugsar oss — og alle andre, korleis han styrer universet, — høyrer på eit lite barn som ber kveldsbøna si.

Gjennom dei bibelske forteljingar opplever borna at Gud ikkje er passiv og langt borte, men han er handlande og like ved oss. Og når Bibelen fortel om Guds hjarte, om at vi kan vere i hans hand, eller når vi får høyre at Gud er kjærleg, at han tilgir, men og straffar — for å føre oss til seg, so er dette bilete Bibelen sjølv brukar.

Det største ved Bibelen er jo at han fortel om Jesus. Jesus seier om seg sjølv at den som har sett han, har sett Faderen. Dermed kan vi seie at den som vi gi barnet eit levande bilete av Gud, skal fortelje om Jesus.

(Ovanståande er henta frå bladet «VI FORELDRE». Bladet kjem ut 4 gonger om året, og kostar kr. 16.00. Adr. IKO, Holbergs Plass 4, OSLO 1.)

Hausvik og Faugstad ^{1/5}

Vaksdal

Telefon 3603.

Dale Fabrikksalg

5280 Dalekvam
Telefon Dalekvam 2261

Tekstilvarer — Sengetøy
Bomull og ull metervarer
Strikke- jakker og gensere

De som ventet

Bare en liten flokk levde i fortrolig samfunn med Abrahams Gud da den lovede Messias kom.

For disse åpenbarte Gud sin søns komme slik han lover i Salme 25:14, hvor det står at «Herren har fortrolig samfunn med dem som frykter hans navn, og hans pakt skal bli dem kunn-gjort».

Gamle Simeon og Anna Fanuelsdat-ter må ha vært den åndelige elite. Den førstnevnte hadde fått visshet om å få seg Herrens salvede før han gikk i sin grav. Hvordan han hadde fått den visshet, er ikke fortalt. Har møtt tro-ende far og mor som har fått visshet om sine uomvente barns frelse, uten å få se, i den troen har de lukket sine øyne.

Det er merkelig hvor Anna sin vita er gjengitt hos Lukas. Om henne er det skrevet at han priste Gud, og for-talte det til alle som ventet på Israels forløsning. Kanskje også hyrdene har hørt til den ventende flokk —?

Men Guds veier er uransakelige. Noen ventende, søkende sjeler i et fjernt land, fikk se stjernen som Bi-lead sang om. — «Jeg ser ham, dog ikke nu — jeg skuer ham dog ikke nær, fjern skrider en stjerne av Jakob, og et spir hever seg av Israel.» (4. Mos. 24:17.)

Det hender i livet så nu og da, at vi finner søkende sjeler der vi minst tenkte.

Voss Samvirkelag

Avd. 14 — 5294 EIDSLANDET
Avd. 15 — 5296 EKSINGEDALEN

Når disse spurte i Jerusalem, lan-dets hovedstad: Hvor er den jødenes konge som nu er født?, fortjente de et klart svar. I stedet kom hele Jeru-salem i forferdelse. Slik går det når folkets ledere ikke våker, og ikke kjenner sin tid.

DE SOM VENTER:

Nu står Jesu annet komme for dø-ren. Han kan dryge, men også være meget nær.

Alt omkring oss minner om at den-ne tids husholdning ebber ut. Natur-resursene ødelegges i tur og orden. Veldige krefter fra avgrunnen under-graver hellig gudsrykt. Lenge har disse krefter arbeidet skjult, men blir etter hvert mere frekke og åpenlyse, ettersom tiden går. Alt har samme mål, å få oss bort fra våken venting på Herrens dag.

«Tidsbarometeret står på storm», leste jeg nylig. Den verdslige makt skifter stadig på nye hender slik det er skrevet i Åbenbaringen 17. Nye horn dukker opp fra folkehavet, og styrter de som har makten, alle med begrenset tid, og samme mål, nemlig å stride mot «Lammet».

Samtidig med denne uro på den verdslige front, er der en travel tid i misjonsarbeidet. Tenk på Laus-anne Pakten — pakten hvor et samlet Guds folk, tross ulike meninger, prø-ver å løfte i flokk, for at all jorden skal få høre Evangeliet mens det er tid.

På eterens bølger finner vi den samme travelhet og ekspansjon. Alt

Norges Samemisjon

minner oss om at «Kongens ærend har hast».

Jeg kan ikke slutte dette uten å nevne Israel slik jeg har fått se det. Satan hisser folkeslagene opp mot den Gud hvis navn har historisk til-knytning til dette folk.

Når dere ser alt dette, vet dere at han er nær for døren. Matt. 24:33.

«Se Han kommer — Jesus kommer! La oss lytte etter lyden av hans trin.»

Johanne B. Helle.

Nye medhjelparar i Dale kyrkjelyd

Etter lang og trufast teneste som medhjelpar i Dale Kyrkjelyd har Si-gurd Takvam bede om å få trekkje seg tilbake. Soknerådet har vald Obert Sellevold og Normann Buvik til nye medhjelparar. Me takkar Sigurd Ta-kvam for trufast teneste gjennom mange år. Under gudstenesta påske-dag vart dei to nye medhjelparane innsette.

DALE BILSERVICE

Johannes A. Lid & Co
Tlf. 2193 — Dalekvam

A. L. VATLE DALE

Kjøtt, pølsér og påleggsvare
Frukt og grønnsaker

hadde sitt årsmøte i Stamnes laurdag og søndag 22. — 23. mai. Samemisjon-en vart grunnlagt alt i 1888, og har si oppgave å drive forkynnarverksemd, sosial hjelp og skulearbeid blant alle samer i Norge. — Det er Samemisjon-en som driv leirstaden Fagertun i Eksingedalen, og dette er einaste leir-stad i Vaksdal kommune. Leirstaden er mykje nytta, og til stor signing for arbeidet blant barn og unge.

Søndag 23. mai vil generalsekretær i Samemisjonen, prost Gunnar Skage-stad ha gudsteneste i Stamnes kyrkje. I dei andre kyrkjene vert og nokon frå Samemisjonen med. Sjå annonsene.

Ferie for prestane

Res. kap. Steinnes har ferie frå 29. juni til 26. juli. Sokneprest Bjørsvik har ferie frå 29. juli til 25. august.

Prestane vikarierar for kvarandre.

Spør meg ikke om dag og tid og slettes ikke om år.

Jeg er alene på kloden ett steds, i kamp med vind og vær.

Spør meg ikke om motor og klær eller siste nytt fra Paris,

bakom fjellene står jo jorden i brann, er verdens ende nær?

Finnes det 10 rettfærdige menn, som kan stå frem og redde vår jord?

Nei Noa, det er ikke en rettfærdig igjen, så kast loss og la Arken drive

til den strandar på Ararats fjell.

Elisa Hellestræ.

Frå kyrkjebøkene

DØYPTE:

DALE:

Stig Morten Rolland, fødd 9. februar 1976, døypt 25. april.

Stan Sellevold, fødd 10. februar 1976 døypt 27. mai.

Ingvild Lekve, fødd 3. februar 1976, døypt 18. april.

Silje Særheim, fødd 6. april 1976, døypt 15. mai.

Kari Margrete Angeltveit, fødd 9. mars 1976, døypt 23. mai.

VAKSDAL:

Elin Fossdal, fødd 9. desember 1975, døypt 18. april 1976.

Frøde Jørgensen, fødd 20. februar 1976, døypt 18. april.

Ann-Elin Mjelde, fødd 8. mars 1976, døypt 18. april.

VIGDE:

BERGSDALEN:

Trond Idar Langeland og Karen Alette Lid, vigde i Bergsdalen kyrkje 24. april.

VAKSDAL:

Ogg Berge og Venke Jane Vaksdal, vigde 24. april 1976.

Kjell Bertin Larsen og Wenche Vågenes, vigde 29. mai 1976.

AVLIDNE:

DALE:

Kristian Ulveseth, fødd 24. desember 1905, døydde 10. mai 1976, gravlagd 13. mai.

Normann Norum, fødd 22. november 1909, døydde 10. mai 1976, gravlagd 15. mai.

Ingrid Marie Sæterdal, fødd 14. mai 1911, døydde 8. mai 1976, gravlagd 14. mai.

VAKSDAL:

Nils Olai Olsnes, fødd 25. desember 1885, døydde 4. april 1976, gravlagd 9. april.

Birgit Nordby, fødd 21. april 1901, døydde, 5. april 1976, bisatt 8. april i Bergen.

Odd Erstad, fødd 25. mai 1928, døydde 17. april 1976, gravlagd 23. april.

Magnus Teigland, fødd 26. april 1892 døydde 14. mai 1976, gravlagd 21. mai.

Organist Kjell Svanæs

hadde sin avskjedskonsert i Dale Kyrkje den 30. juni. Det var eit fyldig og vakkert program med medvirking av Dale Kyrkjekor, Säävs kvartett og organist Thor Michelsen. Organist Svanæs har lagt for dagen stor ihuge og dyktig arbeid i sin gjerning som organist. Fru Svanæs har ogso hjelpt til ved kyrkja sin songskule for born. Me takkar dei bae for heilhjarta innsats i arbeidet her, og ynskjer dei Guds signing i arbeidet dei går til.

«LÆR EI LIKNING AV FIKETREET:
NÅR SEVJA HEV KOME I GREINE-
NE, OG LAUVET TEK TIL Å SPRET-
TA, DÅ VEIT DE AT SUMAREN ER
NÆR.

LIKEINS NÅR DE SER ALT DETTE,
DÅ VEIT DE AT HAN ER FOR DØRI»
(MATT. 24:32-33)



Dale Servicestasjon
THORE ROGNVED
Tlf. 2189 Dalekvam

Bensin — Dekk — Rekvisita

Bjørsvik. Nattverd.

Stamnes kl. 18.00. Res. kap. Steinnes. Nattverd

3. søndag etter triening, 4. juli:

Dale Kyrkje kl. 11.00. Sokneprest Bjørsvik.
Bergsdalen Kyrkje kl. 17.00. Sokneprest Bjørsvik.
Nattverd.

4. søndag etter Triening, 11. juli:

Eidslandet Kapell kl. 11.00. Sokneprest Bjørsvik.
Nattverd.
Vaksdal Kyrkje kl. 18.00. Soknepr. Bjørsvik.

5. søndag etter Triening, 18. juli:

Nesheim Kyrkje kl. 11.00. Soknepr. Bjørsvik.
Stamnes Kyrkje kl. 18.00. Soknepr. Bjørsvik.

6. søndag etter Triening, 25. juli:

Dale Kyrkje kl. 11.00. Sokneprest Bjørsvik.
Nattverd.

Organist Lars Ragnvaldsen

er tilsett som ny organist. Det var ei gleda for oss alle då me fann Ragnvaldsen mellom dei 7 søkjarane til organiststillingen. Det gjorde valet av organist lett. Tilsetjinga var einstemmig, og er godkjent av biskopen. Me ynskjer Ragnvaldsen med huslyd hjarteleg velkomen tilbake til Dale.

Velkomen til Kyrkja

Trieningsøndag, 13. juni:

Nesheim Kyrkje kl. 11.00. Familiegudsteneste.
Sokneprest Bjørsvik.

1. søndag etter Triening, 20. juni:

Dale Kyrkje kl. 11.00. Sokneprest Bjørsvik.
Nattverd.

Friluftsgudsteneste ved Fitjavatnet for Vaksdal og Samnanger. Res. kap. Steinnes, og sokneprest Heggheim m.fl.

2. søndag etter Triening, 27. juni:

Vaksdal Kyrkje kl. 11.00. Res. kap. Steinnes.
Nattverd.

Eksingedalen Kyrkje kl. 11.00. Sokneprest



**Ekspedisjonstider ved
våre kontor:**

DALE, Tlf. 2421 Frå Til
Måndag, Tysdag. Ons-
dag og Fredag .. 8.30 15.00
Torsdag 10.00 17.30

VAKSDAL, Tlf. 3605
Tysdag og Fredag 8.30 15.00
Torsdag 10.00 17.30

STAMNES, Tlf. 3 a
Måndag frå kl. 9.30 til kl. 14.30

Bruvik Sparebank

5280 DALEKVAM, Tlf. 2421

**Stamnes Handelslag
STAMNESHELLA**

**Dale Handelsforening
Dalekvam**

**TOMAS UTSKOTTS
SKOFORRETNING**

Dalekvam

RADIOSPECIALEN ^{A/S}

Tlf. 2240 DALEKVAM

RADIO - TV

Reparasjonsverkstad

BØKER — PAPIR — BIBLAR

SALMEBØKER- SANGBØKER

EIDE & PETERSEN ^{A/S}

Tfn. 2258 DALEKVAM

K. SEIM

Kolonial & Delikatesse

Tlf. 2323 DALEKVAM

BRUVIK HANDELSLAG

Ass. Landhandel og Bakeri

FILIAL SKAFTÅ

Arth. og Arne Vaksdal

HANDEL

Tlf. Dalekvam 2348 — 2161
Stanghelle — Vaksdal — Dale

Vaksdal koop. Handelslag

VAKSDAL

Telefon ; Kontor 3712. Snarkjøp 3710,

Kjøp i Dykkar eigen forretning